

15

D. D.
DISSERTATIO,
DE
**ATMOSPHÆRA
VENERIS,**

CUJUS
PARTEM PRIOREM,
Conf. Ampl. Facult. Philos. in Acad. Aboënsi,

PRÆSIDE

MAG. ANDREA
PLANMAN,

PHYS. PROFESSORE REG. ET ORD. REG. ACAD. SCIENT.
STOCKH. SOCIO,

NEC NON
RECTORE H. T. MAGNIFICO.

Publico examini subjicit

JACOBUS ARNDT CARP

OSTROBOTNIENSIS.

In Auditorio Majori Die VIII Decembris MDCCCLXX.

H. A. M. S.

ABOÆ

Impressit JOH. CHRISTOPH. FRENCKELL.



§. I.

Planetas atmosphæra cinctos esse, ostendere conatus est CHRISTIANUS HUGENIUS in opusculo, cui nomen *Cosmtheoros* indidit. In primis vero eam Jovi tribuebat, ex maculis quibusdam minoribus & reliquo corpore magis lucidis, quas, cum in disco ejus exoriri nec diu superesse observatum est, ex nubibus in atmosphæra Jovis existere autumavit. Venerem quoque vaporum regione circumdari, exinde judicavit, quod tubis, licet optimis, maculæ in disco ejus vix observarentur, cuius rei cauſam, in densiori atmosphæra, illam circumcingente, ponit, quæ, ad ejus mentem, omnem fere lucem, quam videmus, ad nos remittit, maculasque in Venere discerni vix permittit. Hanc autem opinionem HUGENIANAM, de existentia atmosphærae Veneris, confirmant plura phænomena, in transitu Veneris per Solem tam anno 1761, quam novissime observata; cuius rei indices omnium primi fuerunt, quantum quidem nobis constat, Observatores Upsalienses atque Stockholmenses nec non Cajaneburgensis (*Acta Stockh. a. 1761. p. 148, 157 & 160.*) Ut hæc phænomena primum exhibeantur, ordinis ratio exigit.

A

§. II.

Præcipua itaque phænomena, quæ Venerem atmosphæra circumdari innuunt, observata sunt sequentia:

Phænom. I. Venus in disco Solis anno 1761, visa est, ex observatione Cel. WARGENTINI, (*acta cit. p. 156*), cingi annulo quodam luminoso, qui erat coloris varii, nec non debilioris luminis, quam discus Solis reliquus. Consimilem annulum circum Venerem Nobil. FERNER, ut alios taceamus, eodem tempore *Paris* animadvertisit. In novissimo autem transitu Veneris per Solem hoc idem phænomenon Dominus MALACHY HITCHINS *Grenovici* exacte omnino observavit atque descripsit, cujus verba digna sunt, quæ adferantur: "After the internal contact, there appeared a luminous ring round the body of Venus, about the thickness of half her semi diameter; it was brightest towards Venus's body, and gradually diminished in splendor, at greater distances, but the whole was excessive white and faint". Eundem annulum quoque D:ni DOLLOND atque NAIRNE ibidem animadverterunt. (vide *Schediasma Celeb. MASKELYNE de observ. noviss. trans. Ven. per Solem Grenov. p. 13 & 14.*) Celeb. WILCKE, hac quoque occasione, Venerem annulo itidem cinctam *Stockholmiae* observavit, cujus latitudinem circiter 6:tam partem diametri Veneris efficere censebat (*acta Stockb. 1769. p. 156.*)

Phænom. II. Discus Veneris, nobis obversus, apparuit debili quodam lumine circumfusus, adeo ut in transitu anni 1761, Venere intra solem manente, ex observatione Celeb. PRÆSIDIS, colore eslet subrubicundus, maculis aliis atque aliis plus minusve rubescentibus. Idem

dem fere phænomenon, in novissimo transitu, a Celeb.
WILCKE obserbatum, siquidem nucleus Veneris, fa-
cta immersione totali, colore rubidus ipsi apparuit. Vi-
hujus luminis factum est, ut Venus, inter immergendum
& emergendum, ea quoque parte, quæ extra discum
Solis porrecta erat, conspiceretur, quem admodum plu-
res exhibent odservationes.

Phænom. III. Circa contactum discorum Solis &
Veneris exteriorem, visa est in parte marginis Solis,
qua contactus fieret, litura seu incisura quædam, quæ,
circa emersionem, primum referebat speciem anguli
maxime obtusi (Fig. 1.), dein vero magis magisque acu-
ebatur, donec in formam cuspidi similem mutata (Fig.
2.) evanuerit, prout Celeb. MALLET, ut alios silentio
prætereamus, *Upsalie* anno 1761. optime notavit (*acta
cit.* p. 151.). Circa initium autem immersionis hæc ap-
parentia contraria ratione, a cuspide in figuram anguli
obtusi abivit: prius illud phænomenon existimamus fuisse,
quod D:rus HITCHINS notavit, & de quo *Sched.*
“*cit. p. 12.* ita habet: „Mr. HITCHINS remarks, that,
“at the first contact, though there was a tremulous mo-
“tion in the Sun's limb, yet that part of it which planet
“entered was very well defined, and the first impres-
“sion of Venus appeared, to be instantaneous and as a
black, sharp point“. Posteriorem autem apparentiam
constituisse censemus prima ista indicia appropinquantiis
Veneris, quæ Celeb. PRÆSES in anni 1761, atque
Celeb. GADOLIN in novissimo transitu, animadverte-
runt. (*acta Stockb.* 1761 p. 159 & 1769. p. 173.).

Phænom. IV. Dum Venus tota in discum Solis im-
mergetur, protuberantia quædam luminosa observaba-
tur supra Venerem (Fig. 3.) adeo ut margines Solis

Veneri proximi instar cornuum eminerent. Venere
deinde intra discum Solarem translata, fascia quædam
nigra a margine Veneris ad Solis marginem protensa
atque diametrum Veneris in eadem directione augens
apparuit, quæ medio quasi magis magisque tenuis facta
(Fig. 4.) tandem disrumpetur; quo ipso momento
Venus, ex æstimatione STRÖMERIANA, 8:va aut 6:ta
parte diametri sui intra Solem demersa erat (*aet. Stockb.*
1761 p. 147.) Eadem fere phænomena circa initium e-
mersionis, sed ordine inverso, notata habentur: appro-
pinquante etenim margine Veneris ad marginem Solis,
filum luminis Solaris illos interjacens, cum adhuc satis
notabile esset, subito divellebatur, vel guttula ni-
gra, (prout aliis hoc phænomenon se exhibuit) visa est
e margine Veneris ad Solis marginem repente procede-
re; quo facto marginem solis iterum extuberasse ab a-
liis atque aliis notatum est (loc. cit. p. 150 &c.)

§. III.

Recensitis phænomenis, dispiciendum erit, an ista
atmosphærae Veneris sint adscribenda. Quin phænomenon
primum fuerit effectus Atmosphærae Venerem cingenti
luminisque ibi transmissi, dubitari vix potest; in-
primis cum annulus hic notabilis erat crassitiei & diver-
si coloris pro diversa a Venere distantia. Hoc nam-
que innuit, radiorum Solarium alios interceptos, alios
diversimode refractos fuisse in vicinia Planetæ: cuius rei
causam frustra aliunde derivaveris, quam ex atmo-
sphæra Veneris, quæ pro distantia ista, ad quam vis e-
jus refringendi pertingit, partim absorbens & refle-
ctens, partim transmittens & refringens radios e disco
Solis emanantes, annulum luminosum & distinctum a
lumine Solari reliquo, circa corpus Veneris opacum,

non

non potuit non producere, simulque efficere, ut hic annulus diversi esset coloris, pro diversa sua distantia a Venere; quia verosimillimum est, densitatem Atmosphæræ hujus variari pro varia ipsius distantia, & quidem similes ob causas, quæ densitatem Atmosphæræ Telluris nostræ, pro diversa ejus altitudine, reddunt diversam. Cumque nullum sit dubium, quin Tellus nostra, si e Marte, in Sole conspiceretur, consimili annulo cincta, appareret, idque ob atmosphærā suam sequitur quoque idem hoc phænomenon, circa Venerem in Sole conspicuum, certissimum esse Atmosphæræ ipsius argumentum. Quod phænomenon 2:dum attinet (§. præc.), id quoque atmosphærā Veneris prodere censendum est. Etenim lumen illud debile, cujus ope hemisphærium Veneris, a Sole aversum, collustrabatur, aliunde, quam e Sole, emanare non potuit; ut autem a recta via, qua a Sole progreditur, deflecteretur & ad hemisphærium Veneris nobis obversum dirigeretur, necesse erat, Venerem cingi, medio quodam densiori, i. e. atmosphæra, in qua radii lucis varie refracti & reflexi hemisphærium hoc, alias obscurum mansurum, collustratum exhibuerunt. Idem omnino hic accidisse existimandum est, quod nobis Terræ incolis evenire novimus, nempe quod, etiam media quavis nocte, aliqua fruamur luce; quæ cum refractioni & reflexioni, in atmosphæra Telluris nostræ factæ debeatur; liquet lucem hanc nocturnam in nubium regione vel altissimorum montium cacuminibus esse longe notabiliorē. Hinc quoque maculas istas rubicundas, ad discum Veneris in Sole anno 1761 Cajaneburgi relatas, nubibus, in Atmosphæra ejus existentibus, attribuendas esse autemamus, & quidem eandem ob causam, quæ nubes in atmosphæra Tellutis, Sole infra horizontem existente, rubro colore tintetas exhibet. Quod autem hocce phænomenon non ubique

bique observatum inveniatur, id cœli tempeſie impri-
mis tribuendum eſſe, positiſ tubiſ paribus, ſvadet ex-
perientia. Inter obſervandum enim tranſitum Veneris
per Solem a. 1761. Cajaneburgi, erat cœlum maxime
ſerenum & defæcatum, dum apparentiam hanc lumi-
niſ valde debiliſ, Venerem colluſtrant, contigit Celeb.
PRAESIDI tubo 21. pedum longo obſervare, minorib⁹
tubiſ Venerem nigram exhibentib⁹. At in noviſſimo
tranſitu cœlum fere totum nubiſ erat obductum, præ-
ter hiatum quendam, unde Sol conſpiciebat; atque
hinc imprimis erat, quod Venus in eodem tubo nunc nigra
apparuerit. Sed ad reliqua phænomena, itidem per at-
moſphærā Veneris explicanda, progrediamur.

§. IV.

Exhibeat in hunc finem círculus punctatus IMR
(Fig. 5.) Veneris atmosphæræ refringentis limitem, in
quam radii luminis oblique incidentes, illamque trans-
euntes bis refringentur, nempe primum immergendum
inter & dein inter emergendum. Exhibeat quoque ar-
cus ASB circa interiores, & arcus aSb circa exteriores
contactus marginem diſci Solaris Veneri proximum, &
agatur ex S ad oculum obſervatoris in O recta SO tan-
gens arcum ASB & aSb in S; eritque evidens, conta-
ctum limborum fieri eo ipſo momento, quo Veneris
limbus tangit hanc rectam, atque illico radii ex S ad
O in direktionē SO delati, si Venus atmosphærā non
eſſet cincta, obſervatori aut apparerent aut disparerent,
prout contactus factus eſt ad marginem Veneris aut poſ-
teriorē aut anteriorē. Data autem hac atmosphærā,
aliæ omnino prodibunt apparentiæ: ſcilicet ponatur
Venerem eum obtinuisse ſitum, ut radius, ex S, ad at-
moſphærā in I delatus ibique refractus tangat cor-

pus Veneris atque egrediens, in R iterum refractione deflexus, recta RO ad O perveniat; producta RO ad S', referet observator in O constitutus punctum limbi Solis S ad S', i. e. videbit punctum S elevatum sub angulo SOS'; quo juxta omnia reliqua puncta marginem Solis constituentia, quorum S est punctum intermedium & quorum radii per atmosphærā Veneris ad O una perveniunt, elevata esse deprehendet seu a peripheria disci Solis dimota. Atque hinc fit, ut hæc pars limbi Solis, quamvis a Venere sit abscondita, conspicienda fistatur, lumine tamen longe debiliori, quam quo reliquus limbis appareret, ob magnam partem radiorum luminis per atmosphærā Planetæ non transmissam. Ponamus nunc partem radii refracti IR tangere limbum Veneris posticum; atque fieri ob motum Veneris, ut, radii e limbi Solis punto S deinceps emanantes ita ad O ferantur, ut pars refracta IR identidem remotius a Venere atmosphærā ejus transeat, quapropter decrescat Ang. SOS' usquedum SO tangat atmosphærā RIM, quo ipso momento radius S'O coincidit cum SO atque margini Solis omnis nitor atque splendor restituitur. Ast si Venus accedat ad limbum Solis, contingit primum radius SO Atmosphærā ejus, dein vero, ibidem refringetur, quo ipso momento margo Solis ad S nitore suo destituitur; cumque insequentibus temporis momentis radius, ex S ad O usque profundius per Atmosphærā Planetæ delatus, majorem subinde subierit refractionem, crescat ang. SOS', donec pars refracti radii IR contigerit Planetam; quo facto, punctum S' disparebit. Hinc itaque explicationes phænomenorum III & IV (§. II.), instar corollariorum, profluunt.

Cor. I.

* Dato hoc angulo dabitur refractionis horizontalis atmosphæræ Veneris seu Ang. IRS': est enim in casu novissimi transitus Ang. IRS' = $\frac{100}{143}$ Ang. SOS' quam proxime: sed de hac re suo loco plura.

Cor. 1. Quod contactus exteriores attinet, patet circa istos incisuras quasdam debuisse conspici in limbo Solis, quia radii inde ad oculum observatoris, facta refractione in Atmosphæra Veneris, ita dirigebantur, quasi e disco Solis emanassent; quæ incisuræ eo majores erant, quo profundius radii, ad observatorem delati, Atmosphæram hanc permetiebantur, idque ob maiorem tam refractionem, quam partem limbi Solis, unde radii per Atmosphæram ad O transmitterentur. Hinc rite perpendiculari motum Veneris respectu limbi Solaris aSb (Fig. 5.), manifestum erit, quod hæc incisura ante contactum discorum incepit & post hunc contactum evanuerit; atque circa initium immersionis a specie anguli maxime acuti crescens, circa totalem autem emersionem ab angulo admodum obtuso decrescens fuerit. Quapropter primum vestigium Veneris ad Solem appropinquantis erat fere ut Fig. 2, quod deinde in formam Fig. 1. crescebat, antequam contactus discorum fieret; & quamvis post hunc contactum aliquantum continuaret incisura hæc, observatores tamen ad illam vix adverterent animum, Venere ipsam quoad partem jam occupante. Ast dum Venus relinqueret Solem, in margine Solis conspicienda erat litura quædam figuræ 1, quæ decrescens postremo referebat speciem mucronis (Fig. 2.), ceu ultimum Veneris in Sole vestigium. (§. II. Phænom. III.

Cor. 2. Circa contactus interiores, considerato motu Veneris relative ad limbum Solis ASB (Fig. 5.), patet protuberantium quandam, posita existentia Atmosphæræ Veneris, in limbo Solis enasci oportuisse, antequam contactus discorum fieret, quæ protuberantia erat circa immersionem totalem a figura 3 ad fig. 4 decrescens; circa initium autem emersionis modo inverso

crescentis. Ponatur enim Venerem inter immergendum, respectu limbi Solaris ASB, eum obtinuisse situm, ut radius ex S ad O delatus, parte refracta IR, tangat corpus Veneris; patet punctum S maxime elevatum conspicere: cumque simul ex utraque parte hujus S radii pariter refracti ad O pervenient, videbitur in limbo Solis protuberantia luminis admodum debilis, quæ in hoc casu erit maxima, ratione tam refractionis quam limbi Solis elevati quantitatis, atque præcedet contactum discorum (Fig. 3.); dein autem decrescit hæc protuberantia, usquedum Venus, una cum Atmosphæra ipsius refringente, discum Solis intraverit: atque hoc temporis momento fascia ista nigra, quæ, inde a contactu discorum e limbo Veneris ad Solis limbum extensa apparuit, medio quasi disrumpitur, postquam istic magis magisque tenuis facta est; cuius phænomeni rationem quoque in Atmosphæra Veneris imprimis positam esse, patebit ex allatis. Nam exhibeat arcus ASB partem limbi dñci Solaris, circulus c d V discum Veneris, & circulus IMR limitem Atmosphæræ ejus refringentis (Fig. 6.), atque sit Venus eo progesla, ut limes hic ad contactum fere disci Solis accedat. Si jam radiorum in Atmosphæra Veneris inter proximos limbos So & cd maxime refractorum directiones, dum ad oculum observatoris pervenient, projectæ constituant arcum punctatum f i e in plano disci Solaris; facile rem vel leviter perpendenti patefecit, directiones reliquorum radiorum refractorum, qui ex parte disci Solis, limbos proximos So & cd interacente, ad observatorem pertingunt, efficere eo minores arcus, quo propiora fuerint limbo Solis So puncta disci, unde radii hi emanarunt; adeo ut singuli radii, dum per partem Atmosphæræ Veneris cd So bis refracti ad observatorem pervenerint, projecti in planum disci Solis, constituant figuram fere similem figuræ huic

pun-

punctatæ fbe i, desinentis in cuspidem b, extra Solis
 limbum positam, atque referentis speciem fasciæ & quidem
 nigricantis, quia radiis non directis sed refractis & de-
 bilitatis conspicitur, existente spatio c fied, ob radios
 inde ad observatorem non transmissos, adhuc magis ni-
 gricante; unde ratio auctæ diametri Veneris, in direc-
 tione Vi, simul patescit (Aet. St. 1769). Præterea hinc
 sequitur, fasciam hanc eandem ad limbum Solis So ma-
 xime coarctari, antequam disrumpatur: quod autem ma-
 xima coarctatio observatoribus visa sit fieri medio, ut
 Fig. 4 ostendit, id relative ad lucem erraticam* de hac
 limbi Solaris parte ablatam apparuisse censemus; cujus
 lucis privationi id quoque probabiliter debetur, quod
 fascia ista ad Solis limbum (puta apparentem seu termi-
 num, ad quem lux erratica se extendit) in formam cal-
 cis dilatata, cerneretur. Fiat jam contactus limitis A-
 tmosphæræ Veneris IMR atque limbi Solis veri ASB in
 S, atque illico ferentur radii luminis ex S directe ad
 observatorem, limboque Solis ibi suus restituitur splen-
 dor, disrupta fascia ista nigricante, cujus una pars vide-
 bitur recurrere ad limbum Solis ob restitutam ibi lucem
 erraticam; altera autem pars ad marginem Veneris re-
 currere videbitur, prout Atmosphæra Veneris ibidem,
 a radiis ex limbo Solis SO emissis, collustrata exhibe-
 tur. Si itaque lumen a margine Solis emanans, suffici-
 ens fuerit ad ictu oculi restituendam lucem istam atque
 collustrandam hanc Atmosphæræ portionem, illico quoque
 deferentur partes fasciæ ad suos limbos: alias pau-
 latim succedit hoc phænomenon, cujus ultimum vesti-
 gium erit gibbus, in margine Veneris inter c & d, con-
 spicuus. Qui juxta perpenderit undulationem marginum

* Celeberrimus WARGENTIN in litteris ad Präsidem novissime
 datis, phænomenon hocce fasciæ nigrae, unice per privationem lucis
 erraticæ, in margine Solis factam, ingeniose omnino explicavit.

fasciæ; haud difficulter explicabit phænomena ista, quæ Celeb. GADOLIN circa immersionem Veneris totalem notayerat (Act. St. 1769 p. 174.) Quod phænomena initii emersionis attinet, iis prolixius explicandis non opus est, ut immo remur, cum per allata facile illustrentur. Sic e gr. formationem guttæ nigræ, inter limbum Solis Venerisque, tum factam esse patet, cum Veneris atmosphæræ limes IMR contigerit limbum Solis in S; quo facto nitor ibi disparuit atque portio atmosphæræ inter S & cd hinc nigricans evasit, referens speciem guttulae vel fasciæ (Fig. 4.), quæ, per motum Veneris versus limbum Solis, longitudine inanimui, latitudine autem augeri cernebatur, donec limbus Solis & Veneris in unum confluerent, quemadmodum Celeb. P. HELL, Wardhusii observavit.

§. V.



Evicta sic existentia atmosphæræ Veneris, nonnihil jam de ejus altitudine atque vi refringendi differendum foret. Cum autem nobis adhuc desunt quædam elementa, quæ ad integrum hujus materiæ tractationem requiruntur, aliorum forte observationibus eruta, quorum nondum nobis facta est copia; in aliud tempus differre cogimur, quæ adhuc exponenda restant. Interea autem haud abs re erit, paucis nostram quoque aperuisse sententiam, de exactitudine momentorum immersio-
nis & emersionis atque hinc pendantis parallaxeos Solis; in primis cum varia in hanc rem a Celebratissimis Astronomis sint prolata; quorum ea, quæ Celeb. ME-
LANDER in Act. Stockh. 1769 pro more suo ingeniose attulit, omni attentione sunt digna. Notatu quoque digna habentur, quæ Celeb. P. HELL differuit, de aesti-
mandis contactuum momentis, in Sched. de Observ.
trans-

trans. Veneris ante disce. Solis Wardbusii facta. Sed quæ
 circa contactum ingressus Veneris interiorem animadvertisit,
 ea quoque ad contactum interiorem egressus pertinere
 censenda sunt; quia eadem est positio peripheriae disci
 Solaris & Veneris in utroque casu; atque hinc modus
 aestimandi utrumque contactum idem quoque erit. Præ-
 tereamotus Veneris, quo ad limbum Solis accederet, aut in-
 de discederet, respectu utriusque contactus, erat æque lentus:
 nam celeritas, qua Planeta, in alterutro contactu interiori con-
 stitutus, movetur in directione normali ad limbum Solis in pun-
 ctu contactus, est ad celeritatem, qua fertur in semita sua per
 Solem, ut semivia Planetæ intra Solem, ad differentiam se-
 midiametrorum ejus Solisque: quæ ratio respectu novissimi-
 mi transitus Veneris erat ut 3 ad 4 circiter. Cumque
 sic Venus emergens, si limbi vicinissimi unico duntaxat
 minuto secundo circuli a se invicem distarent, opus ha-
 buerit circiter 20'' horariis ad trajiciendum hoc spatio-
 lum; facile quisque dabit, contactum egressus non ma-
 gis momentaneum cuiquam apparuisse, quam ingressus
 contactus apparuit. Eodem itaque jure pro initio emer-
 sionis habendum est momentum, quo filum lucidum,
 limbos Solis Venerisque interjacens, disperebat
 vel nigrescebat, quod anterius erit contactus momento;
 quam pro immersione totali aestimandum est momentum,
 quo filum illud lucidum debito nitore emicuit. Quapropter,
 cum in supputationibus parallaxeos Solis adhibentur obser-
 vationes Wardbusii captæ, pro initio emersionis habendum
 erit 15.^h 27.^m 24.^s, 6, quo, ex HELLIANA observatione, gut-
 ta nigra formata est inter limbum Solis Venerisque. Quic-
 quid de cetero de nimia observationum discrepantia con-
 querimur, quæ atmosphæræ Veneris adscribi Solet; ea
 non tanta deprehenditur, ut hinc frustranea eva-
 deret investigatio parallaxeos Solis. Instituta enim com-
 paratione observationum novissime in Solem immer-
 gentis

gentis indeque emergentis Veneris, iis locis captarum, ubi plures observatores hunc transitum celebrarunt; præque earum pulcherrime consentientes invenientur: id quod patebit ex sequenti tabella, exhibente minimam maximamque differentiam tot earundem observationum, quot nobiscum sunt communicatæ, ubi cont. I. *totalem immersionem*; cont. II. *initium emersionis*, atque cont. III. *totalem emersionem* denotat.

	Cont. I.	Cont. II.	Cont. III.
3 paria observationum discrepant	0."	—	—
4 paria - - - -	1.	—	—
5 paria - - - -	3.	—	—
2 paria - - - -	—	3."	7."
1 par observationum discrepat	2.	1.	1.
1 par - - -	4.	8.	19.
1 par - - -	6.	13.	27.
1 par - - -	10.	—	—
1 par - - -	12.	—	—
1 par - - -	25.	—	—
1 par - - -	51.	—	—
Permedium prodicit discrepantia.	7.	6.	12.

Plerasque observationes egregie inter se consentire hinc apparet; adeo ut, inter 19 observationum immersio-
nis totalis paria, bina duntaxat enormiter discrepan-
tia inveniantur, quorum 25" differentia observationibus
Clariss. P. SAINOVICS & Domini BORGREWING
Wardhusii captis; atque 51" discrepancia observationibus
Domini HITCHINS & Domini DUNN *Grenovici* in-
stitutis debentur. Maxima ista differentia 27", obser-
vationum emersionis totalis, pertinet ad observationem
MAYE-



MAYERIANAM & STAHLIANAM, quæ *Petropoli* factæ sunt. Si vel maximaæ hæ differentiaæ retineantur, error tamen observationum in moram inter immersiōnem totalem emersionisque initium, nec non inter illam atque emersionem totalem, habito respectu medii eūjusque cōlūmnae, $20''$ non excedit. Ponamus itaque moram, a binis observatoribus captam, errore $20''$ discrepare, nec non differentiam effectus parallaxeos, in utramque moram, efficere $16'$ horaria, quantam, sub hypothesi parallaxeos Solis $8'', 3$, fere præbent observations ad *Cap St. Lucar* in *California* & *Cajaneburgi* factæ; habebitur parallaxis Solis intra $48:vam$ partem. Posito errore utriusque moræ $40''$; parallaxis adhuc intra partem $24:am$ certa obtinebitur, adeoque intra limites quiæquies arctiores, quam quibus nunc continetur. Ceterum constat, hosce limites multo magis coarctatum iri per observations, qvas factas esse speramus in parte australi *Maris Pacifici*; quippe quæ, ad nostras hyperboreas observations relatæ, effectum parallaxeos in moram a $20'$ usque ad $24'$ hor. exhibent.

S. D. G.

